

Excusa di turistanan cu tabata saca foto no ta sirbi:

Presidente di Parlamento a aproba pa Marina Real drenta Parlamento

ORANJESTAD(AAN) Den edicion di DIARIO di ayera a sali publica cu parlamentarianan a haya nan mes confronta cu un grupo di Hulandes bisti na civil cu tabata cobra den tur skina di parlamento y saca foto di te hasta baki di pone pen y stift.

Sin cu parlamentarianan a ser poni na altura di antemano cu militarnan di Marina Real bao di e capa di Seguridad Nacional lo bin inspecta un ke otro den edificio y oficinanan di parlamento, un grupo di militar di Marina Real a drenta den parlamento y cobra y saca foto tur caminda.

Parlamentarianan cu no ta di e caliber di entreguista a haya e hecho ey uno inacceptable y a cuestiona loke a tuma lugar y a considera e forma con e supuesto control riba seguridad di parlamento a bay, un violacion flagrante di soberania di parlamento di pais Aruba.

Diarazon durante dia tur sorto di excusa a ser inventa pa trata na tapa e bishita di funcionarionan di Marina Real Hulandes cu a drenta den parlamento pa saca foto di tur skina.

A ser bisa cu ta turistanan cu kier a bishita parlamento tabata cana rond eyden pa saca foto como recuerdo pa hiba cas etc etc y cu esaki sa pasa na mas ocasion.

E excusa aki tabata uno fofu y tipico un excusa di un maneho di entreguismo pasobra oficialmente ta presidente di Parlamento Eddy Croes a duna Marina Real OK pa por drenta y cobra den tur skina di parlamento.

No tin nada contra pa planifica un bon seguridad di parlamento di Aruba y si Marina Real tambe kier participa o cu esaki aparentemente tambe ta den nan tarea, esaki ta bon bini, pero mester bisa cosnan manera cu nan ta y mester stop cu e gobernacion di tapanento y tur cos den secrecia.

Marina Real tin e tarea pa defende pais Aruba y su pueblo contra peligernan externo y interno y parlamento como e organo mas halto di pais tambe lo ta cay bao di esaki!

Pa duna pueblo un splicacion simpel y directo di kico e seguridad di parlamento por tin di haber cu Marina Real, e ehempel por worde muestra cu den caso cu tin un acto terrorista den parlamento y cu parlamentarianan worde tuma como rehén, Marina Real cu lo duna asistencia na polis mester tin mapa di e edificio y mester sa unda peligernan por presenta

Ministerie van Defensie
KONINKLIJKE MARINE
"MARINIERSKATERIE" SAVANETA
Bureau commandement

NAP0 400
1509 VS UTRECHT
Telefoon 843111
Fax 842537

AAN: de voorzitter Staten van Aruba
Zijne Excellentie nr. P.E. Croes
L.O. Smith Boulevard 72
Oranjestad
Aruba

Uw kenmerk Ons nummer
SAZ.005082/98

Datum
17 november 1998

Onderwerp: beveiliging van het parlementgebouw

Excellentie.

Hierbij vraag ik uw aandacht voor het volgende.

- De Koninklijke Marine en de Arubaanse Militie zijn verantwoordelijk voor de externe verdediging van Aruba. Tevens hebben zij tot taak de Arubaanse autoriteiten te ondersteunen bij calamiteiten of situaties die de interne veiligheid op Aruba in gevaar kunnen brengen.
- In dit kader heeft het Korps Mariniers, als onderdeel van de Koninklijke Marine, de permanente opdracht te beschikken over actuele informatie van bepaalde objecten.
- Uw parlementgebouw behoort tot één van deze objecten. Om uw regerings- en fractieleiden in geval van nood zo optimaal mogelijk te kunnen beveiligen, dienen wij over bepaalde informatie te beschikken. De behoefte naar informatie zal zich met name richten op bijvoorbeeld de plattegronden van uw parlementgebouw, vluchtwegen en brandveiligheid.
- Ik wil u dan ook verzoeken mij toestemming te verlenen om in de komende periode deze informatie te mogen inwinnen. Uiteraard zal dit in nauw overleg met u plaatsvinden. U heeft mijn garantie dat de verkregen informatie met de uiterste zorgvuldigheid en discretie zal worden behandeld.

Hoogachtend.

DE COMMANDANT

[Handwritten signature]
O.R. "Blasma"
Luitenant-kolonel der mariniers

Bijlagen

Bezoekadres
Marinierskaterie
Savaneta

Doorkiesnummer
101

nan mes den cualkier acto di rescate di parlamentarianan.

Esaki ta algo bunita, valioso y di importancia vital pa pais

Aruba y den esaki Marina Real por haci un bon trabao y ta pesey nan mester ta na altura di un ke otro.

Funcionarionan di Marina Real cu a sigui orden di nan hefenan por worde tuma na malo pa loke a pasa den siman na parlamento? E contesta mester ta no pasobra nan ta cumpli cu nan trabao!

Hecho si ta cu e forma con cos a bay no tabata bunita y tabata un falta di respet pa parlamentarianan y pa parlamento como organo autonomo di pais Aruba.

No mester lubida cu algun aña pasa militarnan di Marina Real a drenta durante un training di seguridad na cas di gobernador den camber di gobernador, sin cu gobernador tabata na altura y asina viola na un forma hopi cuestionable e privacidad di Gobernador.

E bishita di Marina Real na Parlamento mester a bay acompaña pa polis cu tambe mester ta na altura di un ke otro pasobra na prome lugar ta polis ta esun prome yama pa seguridad di parlamento ora cu algo pasa.

Normalmente ta polis ta presente den parlamento ora cu seguridad di parlamento ta exigí esaki y no militarnan o por ta asina cu den futuro presidente di parlamento ta yama militarnan di Marina Real pa saca hende di edificio di parlamento?

DIARIO a haya copia di e carta cu comandante di Marina Real a manda pa presidente di parlamento señor Eddy Croes pa cu e bishita cu nan tabata tin planea pa haci y cual nan a haci sin cu parlamentarianan, cu excepccion di kizas Eddy Croes so, tabata na altura di kico tabata tin den wega: foei Eddy!

Abo conoce un hende cu a pasa den...

MALTRIP?

Mande via: maltrip@email.com

DEN CUEBA DI LEON!!

